

Federacije BiH", broj 47/08) i člana 63. stav (6) Zakona o budžetima u Federaciji BiH ("Službene novine Federacije BiH", br. 19/06, 76/08, 5/09, 32/09, 51/09, 9/10, 36/10, 45/10 i 25/10), federalni ministar finansija donosi

**PRAVILNIK  
O KRITERIJIMA ZA USPOSTAVLJANJE JEDINICA ZA  
INTERNU REVIZIJU U JAVNOM SEKTORU U  
FEDERACIJI BOSNE I HERCEGOVINE**

**Član 1.**

(Predmet pravilnika)

Ovim Pravilnikom uređuju se kriteriji za uspostavljanje jedinica za internu reviziju u skladu sa članom 9. stav (2) Zakona o internoj reviziji u javnom sektoru u Federaciji Bosne i Hercegovine (u daljem tekstu: Zakon).

**Član 2.**

(Organizacije na koje se pravilnik primjenjuje)

Pod organizacijama javnog sektora u Federaciji Bosne i Hercegovine, u smislu primjene ovog Pravilnika, podrazumijevaju se korisnici javnih sredstava budžeta Federacije Bosne i Hercegovine, kantona, općina, gradova i vanbudžetskih fondova, kako je definirano članom 1. stav (2) Zakona.

**Član 3.**

(Kriteriji za uspostavljanje jedinice za internu reviziju)

- (1) U skladu sa članom 9. stav (1) Zakona, kriteriji za uspostavljanje jedinice za internu reviziju su:
  - a. Broj zaposlenih veći od 200,
  - b. Ukupan godišnji budžet veći od 10.000.000,00 KM,
  - c. Nivo izvršenih transakcija ili ostvarivanje prihoda od djelatnosti, koji ukupno premašuje iznos od 15.000.000,00 KM,
  - d. Rizik, koji predstavlja vjerovatnoću nastanka događaja, a koji može da utječe na ostvarivanje ciljeva organizacije.
- (2) Kriteriji iz stava (1) ovog člana, smatrat će se ispunjenim kada je ispunjen najmanje jedan od propisanih kriterija.
- (3) Kod korisnika javnih sredstava budžeta kantona Federacije Bosne i Hercegovine, kriteriji iz stava (1) ovog člana, smatrat će se ispunjenim i primjenjivati na kanton u cjelini.
- (4) Centralna harmonizacijska jedinica Federalnog ministarstva finansija (u daljem tekstu: CHJ FMF) će prilikom davanja mišljenja o uspostavi jedinica interne revizije iz člana 6. stav (2), tačka 7) Zakona posebno voditi računa o primjeni koncepta "vrijednost za novac" (eng. *value for money*) i koncepta "3E" (ekonomičnost, efikasnost i efektivnost).

**Član 4.**

(Formiranje jedinica za internu reviziju)

Formiranje jedinica za internu reviziju izvršit će se u skladu sa Zakonom i Uredbom o načelima za utvrđivanje unutrašnje organizacije federalnih organa uprave i federalnih upravnih organizacija ("Službene novine Federacije BiH", broj 36/06), uz pribavljeno mišljenje CHJ FMF, u smislu odredbe člana 6. stav (2) tačka 7) Zakona.

**Član 5.**

(Organizacioni status interne revizije)

Pod jedinicom za internu reviziju podrazumijeva se osnovna organizaciona jedinica u organizacijama iz člana 2. ovog Pravilnika koja vrši funkciju interne revizije u skladu sa Zakonom, principima i standardima profesije interne revizije, i koja, u skladu sa članom 6. stav (2) tačka 7) Zakona, može biti organizovana kao jedinica za internu reviziju ili interni revizor u funkciji jedinice za internu reviziju.

**Član 6.**

(Status rukovodioca jedinice za internu reviziju)

- (1) Rukovodilac jedinice za internu reviziju i interni revizor u funkciji jedinice za internu reviziju odgovaraju najvišem nivou rukovođenja institucijom, odnosno rukovodiocu institucije.
- (2) Rukovodilac jedinice za internu reviziju postavlja se u skladu sa odredbama člana 11. stav (2) Zakona i njegov status se određuje pravilnikom o unutrašnjoj organizaciji, a u skladu sa Uredbom o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa ("Službene novine Federacije BiH", br. 35/04, 3/06 i 19/12).

**Član 7.**

(Jedinice za internu reviziju na nivou Federacije BiH)

U skladu sa kriterijima iz člana 3. stav (1) ovog Pravilnika, jedinice za internu reviziju na nivou Federacije BiH obavezne su uspostaviti sljedeće organizacije:

- 1) Parlament Federacije Bosne i Hercegovine za:
  - Dom naroda Parlamenta Federacije Bosne i Hercegovine
  - Predstavnički dom Parlamenta Federacije Bosne i Hercegovine
  - Zajedničke službe Parlamenta Federacije Bosne i Hercegovine
- 2) Vlada Federacije Bosne i Hercegovine za:
  - Vlada Federacije Bosne i Hercegovine
  - Ured Vlade Federacije Bosne i Hercegovine za zakonodavstvo i usklađenost sa propisima Evropske unije
  - Ured Vlade Federacije Bosne i Hercegovine za odnose sa javnošću
  - Ured za saradnju i zastupanje pred Ustavnim sudom Bosne i Hercegovine
  - Federalna komisija za koncesije
- 3) Služba za zajedničke poslove organa i tijela Federacije Bosne i Hercegovine
- 4) Federalno ministarstvo unutrašnjih poslova za:
  - Federalno ministarstvo unutrašnjih poslova
  - Federalna uprava policije
- 5) Federalno ministarstvo pravde za:
  - Federalno ministarstvo pravde
  - Kazneno-popravni zavodi
- 6) Federalno ministarstvo finansija za:
  - Federalno ministarstvo finansija
  - Ured predsjednika Federacije Bosne i Hercegovine
  - Ured potpredsjednika Federacije Bosne i Hercegovine
  - Federalna finansijska policija
  - Ustavni sud Federacije Bosne i Hercegovine
  - Federalno tužilaštvo Federacije Bosne i Hercegovine
  - Federalno pravobranilaštvo
  - Federalna uprava za geodetske i imovinsko-pravne poslove
  - Federalni zavod za statistiku
  - Federalni hidrometeorološki zavod
  - Arhiv Federacije
  - Federalni zavod za programiranje razvoja
  - Federalna direkcija robnih rezervi
  - Federalna uprava civilne zaštite
  - Federalni štab civilne zaštite
  - Gender centar Federacije Bosne i Hercegovine
  - Federalna novinska agencija

82/13

- Javna ustanova Centar za edukaciju sudija i tužilaca u Federaciji Bosne i Hercegovine
- Agencija za državnu službu Federacije Bosne i Hercegovine
- Odbor državne službe za žalbe Federacije Bosne i Hercegovine
- Federalna uprava za inspekcijske poslove
- Federalno ministarstvo trgovine
- Federalno ministarstvo prostornog uređenja
- Federalno ministarstvo obrazovanja i nauke
- 7) Porezna uprava Federacije Bosne i Hercegovine
- 8) Federalno ministarstvo energije, rudarstva i industrije
- 9) Federalno ministarstvo prometa i komunikacije za:
  - Federalno ministarstvo prometa i komunikacije
  - Federalna direkcija za civilnu avijaciju
- 10) Federalno ministarstvo zdravstva za:
  - Federalno ministarstvo zdravstva
  - Zavod za javno zdravstvo Federacije Bosne i Hercegovine
- 11) Federalno ministarstvo poljoprivrede, vodoprivrede i šumarstva za:
  - Federalno ministarstvo poljoprivrede, vodoprivrede i šumarstva
  - Federalni zavod za geologiju
  - Federalni zavod za agropedologiju
  - Federalni zavod za poljoprivredu Sarajevo
  - Federalni agromediterranski zavod Mostar
- 12) Vrhovni sud Federacije Bosne i Hercegovine za:
  - Vrhovni sud Federacije Bosne i Hercegovine
  - Sudska policija Federacije Bosne i Hercegovine
- 13) Federalno ministarstvo za pitanje boraca i invalida odbrambeno-oslobodilačkog rata
- 14) Federalno ministarstvo razvoja, poduzetništva i obrta
- 15) Federalno ministarstvo rada i socijalne politike
- 16) Federalno ministarstvo kulture i sporta
- 17) Federalno ministarstvo raseljenih osoba i izbjeglica
- 18) Federalno ministarstvo okoliša i turizma

#### Član 8.

(Jedinice za internu reviziju na nivou kantona Federacije Bosne i Hercegovine)

- (1) U skladu sa kriterijima iz člana 3. st. (1) i (4) ovog Pravilnika, svi kantoni u Federaciji Bosne i Hercegovine će formirati jedinice za internu reviziju pri kantonálnom ministarstvu finansija, koje će pokrivati sve budžetske organizacije prvog i drugog reda u sastavu kantona, u skladu sa članom 2. stav (1) tač. 4) i 5) Zakona.
- (2) Izuzetno od stava (1) ovog člana, budžetske organizacije prvog i drugog reda u sastavu kantona mogu uz pribavljeno mišljenje CHJ FMF iz člana 6. stav (2) tačka 7) Zakona, uspostaviti jedinice za internu reviziju, pod uslovom da ispunjavaju kriterije iz člana 3. stav (1) ovog Pravilnika.

#### Član 9.

(Jedinice za internu reviziju na nivou općina u Federaciji Bosne i Hercegovine)

- (1) U skladu sa kriterijima iz člana 3. stav (1) ovog Pravilnika, jedinice za internu reviziju na nivou općina u Federaciji Bosne i Hercegovine obavezne su uspostaviti sljedeće općine:
  - 1) Bihać
  - 2) Cazin
  - 3) Sanski Most
  - 4) Velika Kladuša
  - 5) Banovići
  - 6) Gračanica
  - 7) Gradačac

- 8) Lukavac
  - 9) Srebrenik
  - 10) Tuzla
  - 11) Živinice
  - 12) Kakanj
  - 13) Tešanj
  - 14) Visoko
  - 15) Zavidovići
  - 16) Zenica
  - 17) Travnik
  - 18) Čapljina
  - 19) Jablanica
  - 20) Konjic
  - 21) Prozor
  - 22) Ljubuški
  - 23) Centar
  - 24) Ilidža
  - 25) Novi grad
  - 26) Novo Sarajevo
  - 27) Stari grad
  - 28) Vogošća
  - 29) Livno
  - 30) Tomislavgrad
- (2) Organizacije na nivou općina u Federaciji Bosne i Hercegovine, koje ne ispunjavaju kriterije za uspostavljanje jedinice za internu reviziju, obavezne su na osnovu člana 8. stav (4) Zakona postaviti jednog samostalnog internog revizora u funkciji jedinice za internu reviziju.

#### Član 10.

(Jedinice za internu reviziju na nivou jedinica lokalne samouprave sa statusom grada u Federaciji Bosne i Hercegovine)

U skladu sa kriterijima iz člana 3. stav (1) ovog Pravilnika, jedinice za internu reviziju na nivou jedinica lokalne samouprave sa statusom grada u Federaciji Bosne i Hercegovine obavezni su uspostaviti sljedeći gradovi:

- 1) Grad Sarajevo
- 2) Grad Mostar

#### Član 11.

(Jedinice za internu reviziju na nivou vanbudžetskih fondova u Federaciji Bosne i Hercegovine)

- (1) U skladu sa kriterijima iz člana 3. stav (1) ovog Pravilnika, jedinice za internu reviziju na nivou vanbudžetskih fondova u Federaciji Bosne i Hercegovine obavezni su uspostaviti sljedeći vanbudžetski fondovi:
  - 1) Zavod zdravstvenog osiguranja i reosiguranja Federacije Bosne i Hercegovine
  - 2) Federalni zavod za zapošljavanje
  - 3) Federalni zavod za penzijsko i invalidsko osiguranje
  - 4) Zavod zdravstvenog osiguranja Unsko-sanskog kantona
  - 5) JU Služba za zapošljavanje Unsko-sanskog kantona
  - 6) Zavod zdravstvenog osiguranja Posavskog kantona
  - 7) Zavod zdravstvenog osiguranja Tuzlanskog kantona
  - 8) JU Služba za zapošljavanje Tuzlanskog kantona
  - 9) Zavod zdravstvenog osiguranja Zeničko-dobojskog kantona
  - 10) JU Služba za zapošljavanje Zeničko-dobojskog kantona
  - 11) Zavod zdravstvenog osiguranja Bosansko-podrinjskog kantona Goražde
  - 12) Zavod zdravstvenog osiguranja Srednjobosanskog kantona
  - 13) Zavod zdravstvenog osiguranja Hercegovačko-neretvanskog kantona

- 14) Služba za zapošljavanje Hercegovačko-neretvanskog kantona
  - 15) Zavod za zdravstveno osiguranje Zapadnohercegovačkog kantona
  - 16) Zavod zdravstvenog osiguranja Kantona Sarajevo
  - 17) JU Služba za zapošljavanje Kantona Sarajevo
  - 18) Zavod za zdravstveno osiguranje Kantona 10 Livno
- (2) Na osnovu kriterija iz člana 3. stav (1) tačka d) ovog Pravilnika zbog značaja rizika i utjecaja vanbudžetskog fonda u funkcionisanju kantona u Federaciji Bosne i Hercegovine, sljedeći vanbudžetski fondovi će biti obuhvaćeni radom jedinice za internu reviziju kantonalnog ministarstva finansija iz kantona kojem pripadaju:
- 1) Služba za zapošljavanje Posavskog kantona
  - 2) JU Služba za zapošljavanje Bosansko-podrinjskog kantona Goražde
  - 3) Služba za zapošljavanje Srednjobosanskog kantona
  - 4) Služba za zapošljavanje Zapadnohercegovačkog kantona
  - 5) Kantonalni zavod za upošljavanje Kantona 10 Livno

#### Član 12.

(Nadležnost jedinica za internu reviziju uspostavljenih za više organizacija)

- (1) Interna revizija u organizacijama, koja je uspostavljena u skladu sa odredbama člana 8. Zakona, vršit će se na osnovu odobrenih strateških, godišnjih i pojedinačnih revizorskih planova koji se zasnivaju na procjeni rizika i, na toj osnovi, utvrđenih prioriteta koji osiguravaju efikasno i efektivno korištenje raspoloživih resursa.
- (2) Rukovodioci jedinica za internu reviziju iz člana 6. ovog Pravilnika trebaju sa rukovodiocem svake od organizacija za koje ta jedinica vrši internu reviziju potpisati Povelju interne revizije, usklađenu sa Poveljom iz Metodologije rada interne revizije u javnom sektoru u Federaciji Bosne i Hercegovine ("Službene novine Federacije BiH", broj 13/12) i istu dostaviti CHJ FMF.

#### Član 13.

(Usklađivanje pravilnika o unutrašnjoj organizaciji)

- (1) Organizacije koje su obavezne uspostaviti jedinicu za internu reviziju, u skladu sa članom 3. ovog Pravilnika, potrebno je da najkasnije u roku od šest mjeseci od dana stupanja na snagu ovog Pravilnika, shodno članu 6. stav (2) tačka 7) Zakona, pribave mišljenje CHJ FMF u vezi sa dijelom pravilnika o unutrašnjoj organizaciji koji se odnosi na internu reviziju.
- (2) U slučaju osnivanja nove institucije u Federaciji Bosne i Hercegovine koja ispunjava kriterije iz člana 3. ovog Pravilnika, ista je obavezna pribaviti mišljenje CHJ FMF u vezi sa dijelom pravilnika o unutrašnjoj organizaciji koji se odnosi na internu reviziju, najkasnije u roku od šest mjeseci od dana osnivanja.

#### Član 14.

(Prestanak važenja propisa)

Stupanjem na snagu ovog Pravilnika prestaje da važi Pravilnik o internoj reviziji budžetskih korisnika ("Službene novine Federacije BiH", br. 08/07 i 32/07).

#### Član 15.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 10-02-5849/13

18. oktobra 2013. godine  
Sarajevo

Ministar  
Ante Krajina, s. r.

## FEDERALNO MINISTARSTVO UNUTARNJIH/UNUTRAŠNJIH POSLOVA

### 1805

Na temelju članka 79. stavak 1. točka 1) Zakona o matičnim knjigama ("Službene novine Federacije BiH", broj 37/12), federalni ministar unutarnjih poslova donosi

### NAPUTAK

#### O IZMJENAMA I DOPUNAMA NAPUTKA O NAČINU VOĐENJA MATIČNIH KNJIGA

1. U Naputku o načinu vođenja matičnih knjiga ("Službene novine Federacije BiH", br. 51/13 i 55/13) u točki 8. alineji 11. na kraju teksta briše se točka-zarez i dodaju riječi: "što se rješava prema točki 54. ovoga Naputka". U alineji 12. na kraju teksta briše se točka-zarez i dodaju riječi: "što se provodi prema Zakonu o osobnom imenu;".
2. U točki 54. stavak 4. mijenja se i glasi: "Vođenje postupka i donošenje rješenja u postupku identifikacije iz stavka 1. ove točke obavlja kantonalno ministarstvo prema prebivalištu podnositelja zahtjeva, a ako nema prijavljeno prebivalište na području Federacije, u tom slučaju nadležno je kantonalno ministarstvo prema općini i gradu koje vodi matičnu knjigu rođenih te osobe." Iza stavka 4. dodaje se novi stavak 5., koji glasi: "Postupak iz stavka 4. ove točke pokreće se na zahtjev stranke, koji se podnosi na Obrascu broj 1, a koji se nalazi u prilogu ovoga Naputka i čini njegov sastavni dio."
3. U točki 56. iza stavka 3. dodaje se novi stavak 4., koji glasi: "Odredbe st. 1. i 2. ove točke primjenjuju se i na pogrešne prijepise podataka iz matičnih knjiga iz kojih je obavljen prijepis."
4. Iza točke 56. dodaje se nova točka 56a., koja glasi: "56a. Ako se utvrdi da je prezime bračnog partnera koje je uzeto prilikom sklapanja braka pogrešno preneseno u matičnu knjigu rođenih iz odgovarajuće rubrike matične knjige vjenčanih, u tom slučaju, na zahtjev stranke, ispravak tog prezimena u matičnoj knjizi rođenih obavlja se rješenjem koje donosi nadležna općinska i gradska služba za matične knjige prema podatcima iz matične knjige vjenčanih. Ispravak prezimena u matičnoj knjizi rođenih utvrđen tim rješenjem upisuje se u rubriku "Naknadni upisi i bilješke", koja sadrži uzeto prezime, broj i datum tog rješenja. Ako se utvrdi da u matičnu knjigu rođenih bračnih partnera nije upisano prezime uzeto prilikom sklapanja braka prema prezimenu upisanom u matičnu knjigu vjenčanih, u tom slučaju matična služba iz stavka 1. ovoga članka, na zahtjev stranke, donosi rješenje koje sadrži prezime upisano u matičnu knjigu vjenčanih bračnih partnera. Prezime utvrđeno tim rješenjem upisuje se u matičnu knjigu rođenih bračnih partnera u rubriku "Naknadni upisi i bilješke", koja sadrži uzeto prezime, broj i datum tog rješenja."
5. U točki 62. u stavku 4. riječi: "nadležno kantonalno ministarstvo na način utvrđen točkom 54. ovoga Naputka" zamjenjuju se riječima: "kantonalno ministarstvo prema općini i gradu u kojoj je umrla osoba imala posljednje prebivalište u Federaciji, a ako se ne može utvrditi to prebivalište, onda se nadležnost određuje prema općini i gradu koji vode matičnu knjigu rođenih za umrlu osobu, a postupak se vodi i rješenje donosi prema točki 54. ovoga Naputka".
6. Iza točke 65. dodaje se nova točka 65a., koja glasi: